

ÖRNEFNANEFND

Ársskýrsla

2014

ÖRNEFNANEFND

Neshaga 16, 107 Reykjavík

Sími 525 5157 · Bréfasími 562 2699 · Netfang ornefnanefnd@hi.is

http://www.arnastofnun.is/page/arnastofnun_nafn_ornefnanefnd

Skipulag

Örnefnanefnd starfar á grundvelli laga nr. 35/1953, um bæjanöfn o.fl., með síðari breytingum, sbr. og 4. gr. sveitarstjórnarlaga, nr. 45/1998, og í samræmi við reglugerð nr. 136 um störf örnefnanefndar, frá 22. febrúar 1999.

Örnefnanefnd var þannig skipuð frá 12. maí 2011:

Pórunn Sigurðardóttir formaður.

Varamaður: *Haraldur Bernharðsson*.

Danfríður Skarphéðinsdóttir, varaformaður, tilnefnd af umhverfis- og auðlindaráðuneyti.

Varamaður: *Gunnar H. Kristinsson*.

Hallgrímur J. Ámundason, tilnefndur af Stofnun Árna Magnússonar í íslenskum fræðum.

Varamaður: *Jónína Hafsteinsdóttir*.

Áheyrnarfulltrúi af hálfu Íslenskrar málnefndar með tillögurétti og málfrelsi: *Margrét Jónsdóttir*.

Varamaður: *Sigríður D. Þorvaldsdóttir*.

Örnefnanefnd hefur aðsetur í húsakynnum nafnfræðisviðs Stofnunar Árna Magnússonar í íslenskum fræðum að Neshaga 16 í Reykjavík.

Verkefni

Verkefni örnefnanefndar eru skv. lögum og reglugerð þessi:

1. að taka við tilkynningu um nafn nýbýlis og fjalla um það til samþykktar eða synjunar og senda samþykkt nafn til þinglýsingarstjóra;
2. að fjalla um beiðni um breytingu á nafni býlis til samþykktar eða synjunar og senda samþykkt nafnbreytingu til þinglýsingarstjóra;
3. að fjalla um beiðni sveitarstjórnar um lögfestingu á nafni á nýju þéttbýli eða þorpi, sem myndast hefur í landi jarðar eða jarða, til samþykktar eða synjunar og senda samþykkt nafn til þinglýsingarstjóra;
4. að úrskurða hvaða örnefni skuli sett á landakort sem gefin eru út á vegum Landmælinga Íslands eða með leyfi þeirra, sé ágreiningur eða álitamál um það efni og því hafi verið skotið til nefndarinnar;

5. að úrskurða um nýtt götunafn eða sambærilegt örnefni innan sveitarfélags, hafi risið ágreiningur um efnið og honum hafi verið skotið til nefndarinnar;
6. að úrskurða um nýtt eða breytt nafn húss í kaupstað, kauptúni eða þorpi, hafi risið ágreiningur um efnið og honum hafi verið skotið til nefndarinnar;
7. að veita umsögn um fyrirhugað nafn á nýju sveitarfélagi eða nafnbreytingu og um þau nöfn sem greiða skal atkvæði um ef könnun er gerð á viðhorfi íbúa sveitarfélags til nafns þess.

Heimasíða

www.arnastofnun.is/page/arnastofnun_nafn_ornefnanefnd

Á heimasíðu nefndarinnar má finna lög og reglugerð um störf örnefnanefndar, megin sjónarmið nefndarinnar um nöfn sveitarfélaga, leiðbeiningar og eyðublöð fyrir tilkynningu um nafn býlis og beiðni um breytingu á nafni býlis, ársskýrslur og skrár um nöfn á býlum sem tekin hafa verið upp eftir 1. ágúst 1998.

Fundir og afgreiðsla erinda

Haldnir voru 11 formlegir fundir í örnefnanefnd árið 2014.

Nöfn býla

Tilkynningar um nöfn nýbýla:

Örnefnanefnd afgreiddi á árinu formlegar tilkynningar um 20 nöfn. Eftir umfjöllun í nefndinni voru 18 ný nöfn samþykkt og send þinglýsingarstjórum. Einu nafni var hafnað af öryggisástæðum með tilvísun til 5. gr. laga um bæjanöfn o.fl.: „Ekki mega nafngiftir leiða til samnefna á fasteignum í sama héraði né nafna sem eru svo lík öðrum nöfnum á fasteignum í héraðinu að hætt sé þess vegna við nafnabrenslum“. Öðru erindi var vísað frá vegna þess að það fellur utan verksviðs nefndarinnar.

Beiðnir um breytingar á nöfnum býla:

Örnefnanefnd fékk á árinu 4 formleg erindi um nafnbreytingar á býlum og heimilaði þær. Við val á nýjum nöfnum var ýmist miðað við staðhætti í viðkomandi landi eða gömul örnefni.

Ný nöfn 2014

Árið 2014 tók örnefnanefnd – samkvæmt lögum um bæjanöfn o.fl. nr. 35/1953 með síðari breytingum – við tilkynningum um eftirgreind nöfn býla og sendi nöfnin hlutaðeigandi þinglýsingarstjórum:

Álftröð. Úr landi Álfsstaða í Skeiða- og Gnúpverjahreppi.
Ásborg. Úr landi Áss I í Ásahreppi.
Bjartaland. Úr landi Hróarsholts II í Flóahreppi.
Brekkulundur. Úr landi Syðri-Brekku í Húnavatnshreppi.
Dalsholt. Úr landi Kjarnholta í Bláskógabyggð.
Fagurhóll. Úr landi Snjallsteinshöfða – Grásteins, Rangárþingi ytra.
Fornustaðir. Úr landi Ragnheiðarstaða í Flóahreppi.
Hafrafell II. Úr landi Hafrafells á Fljótsdalshéraði.
Holt. Úr landi Þverár í Reykjahverfi í Norðurþingi.
Hvanngil. Úr landi Þverár í Reykjahverfi í Norðurþingi.
Leirárskógur. Úr landi Leirár í Hvalfjarðarsveit.
Mórudalur. Úr landi Langholts í Vesturbyggð.
Sóltún. Úr landi Hallstúns í Rangárþingi ytra.
Sturluholt. Úr landi Bjarnastaða í Grímsnes- og Grafningshreppi.
Syðri-Hóll II. Úr landi Syðra-Hóls í Eyjafjarðarsveit.
Syðri-Hóll III. Úr landi Syðra-Hóls í Eyjafjarðarsveit.
Urðarlaut. Úr landi Skálmholts í Flóahreppi.
Volatún. Úr landi Langsstaða í Flóa.

Árið 2014 fjallaði örnefnanefnd enn fremur um og féllst á beiðni um eftirgreindar breytingar á nöfnum býla og sendi hin nýju nöfn hlutaðeigandi þinglýsingarstjórum skv. lögum um bæjanöfn o.fl. nr. 35/1953 með síðari breytingum:

Kot. Áður Betanía í Önundarfirði (Ísafjarðarbæ).
Svarthamrar. Áður Hof II í Fjarðabyggð.
Forsæti III. Áður Forsæti spilda A, Rangárþingi eystra.
Lambalækur. Áður Kúludalsá 4b, Hvalfjarðarsveit.

Landakort og vegvísar

Örnefnanefnd fékk á árinu erindi frá Landmælingum Íslands um staðsetningu örnefnisins Þverfell í Esju. Unnið er að skýrslu um málið á nafnfræðisviði Árnastofnunar.

Annað

Örnefnanefnd fjallaði um heitið Ráðagerði á býli í Ásahreppi samkvæmt beiðni frá Sæmundi B. Ágústssyni, Bjólu, Rangárþingi ytra, og hreppsnefnd Ásahrepps.

Örnefnanefnd bærust allmargar fyrirspurnir á árinu sem svarað var símleidis, með tölvupósti eða sendibréfi þegar það átti við.

Reykjavík, 31. desember 2014

ÖRNEFNANEFND
Þórunn Sigurðardóttir, formaður